

Vous Rohr



Texscht : Mike Sutter
Musig : Mike Sutter

Au Dir unverdorbn Junge
Schnuret mit polierter Zunge
Tüet so züchtig und moralisch
So finöggelig und theatralisch

Eso gsittet aui zäme
Me muess sech jo für öich fasch schäme
Tüet doch nid eso geziert
Mir würde lieber mou schockiert

Sit doch einisch mou chli krass
Chöit mer's gloube - das macht Schpass
Houet mou chli über d'Schträng
Wetzet d'Chraue, zeiget d'Zäng

Tüet mou öji Meinig säge
Me wird scho lang nümm ghänkt drwäge
Schpöiet einisch Gift u Gaue
Probieret's us, äs wird nech gfaue

Gäng so tugendhaft schtatt einisch
So richtig bodeschtändig schweinisch
Sit nid rund um d'Uhr uf Sändig
Tüet emou chli Unaschtändig

Sit doch mou chli ordinär
Das fägt und isch nid haub so schwär
Chöit Dir nid flueche wie mir aute
Dass sech d'Dilibäuke schpaute

Tüet doch nid so affektiert
So pfirmehzart und bausamiert
Chöit dr nid e chli lasziver
Grundlegend ä chli primitiver

Schnuret doch mou chli obszön
Das tönt i viune Ohre schön
Müesst is nid gäng so gschwuwe cho
S'darf ruig mou richtig Gosse go

Zeiget is mou dr Rebäu
Schtarch u schtouz - schriu u gräu
Tüet mou chli a d'Scheiche schtüpf
Provoziere haut, ufmüpf

**So schtuberein u salonfähig
Warmi Luft vonere Blähig
Verdorbe, dräckig und verruecht
Söttig Type si hütt gsuecht**

**Wüu, dermässe gkünschtlet und geblüemt
Wird me hütt nümm wäutberühmt
Eso – girls & guys – isch sunneklar
wärdet Dir nie - Fucking MusigSchar**